



Егемен Қазақстан
газетінің PDF нұсқасы

Ұлттың кодын сақтау – ұлттың сақтау



Қазақстан Республикасының Президенті Нұрсұлтан Назарбаевтың «Болашаққа бағдар: рухани жанғыру» тұжырымдамасы ақиқатты Алаш жұрттың алдына жайып салған, Абайша айтсақ, «Сылдырап өңкей келісімнен» тұратын жүректің көзі, тілектің сөзі. Ақкудың қанатынан ән естіріп, тұлпардың түягынан күй тыңдаған қазақ деген қасиетті жүрттың, Қазақстан деген қастерлі елдің ханы мен қараашасының жанының нұры, қоңілінің сыры бірге толқып жатса санамыздың сара данғылға түскені. Бұл бір бүгінгі ұрпақ темір-қазықтай кие тұтып, болашаққа бағдар етер тұжырым тұнған сөз.

«Жанғыру атаулы бұрынғыдай тарихи тәжірибе мен ұлттық дәстүрлерге шекеден қарамауда тиіс. Керісінше, заман сиралынан сүрінбей өткен озық дәстүрлерді табысты жаңғырудың алғышарттарына айналдыра білу қажет. Егер жанғыру елдің ұлттық-рухани тамырынан нәр ала алмаса, ол адасуға бастайды», делинген онда.

Ұлттық рухани-тамыр... Бағаналы бәйтеректің бұтағын жел шайқап, дауыл тербеткен талай. Заманаудар желі, ғасырлар дауылы.

Сол тамыры терең бәйтерек сонау көшпендерілер өркениетінен аман жетіп XXI ғасырдың бастауынан нәр алып күнгө қарап жапырагын жайып тұр. Бұл кезең – жер-жаянда ақыл-ойдың аламанға түскен уақыты.

«Жана түрпatty жаңғырудың ең басты шарты – сол ұлттық кодынды сақтай білу. Оныз жанғыру дегеніңіз құр жаңғырыққа айналуы оп-онай», делинген Елбасымыздың осы еңбегінде. Түйткілді шешер түйінді ой осы. Ұлттың болмысын, елдің тұтастығын сақтау – сізге де, бізге де сын. Шындық іздеген боп шығанға шықпай, «Жаным – арымның садағасы» дейтін қазақи қағиданың ауылынан алыс қонбасақ құдай тілеуімізді берер.

Осы ой толғаудың үшінші бөлігі «Ұлттық бірегейлікті сақтау» деп аталыпты. Онда: «Ұлттық салт-дәстүрлеріміз, тіліміз бен музыкамыз, әдебиетіміз, жоралғыларымыз, бір сөзben айтқанда ұлттық рухымыз бойымызда мәнгі қалуға тиіс», делинген.

Осы санаттағы «Қазақстандағы 100 жаңа есім» идеясы, «Тұған жер» бағдарламасы ел мен жердің өртөнін ойлаған арналы толғаныстардың жемісі. Жақсылықтар мен иғіліктер жария болуға тиіс. Жақсы адамдар, жомарт жүректі жандар жанымызда жүр. Бүгінгі күннің кейіпкерлерін насиҳаттау, бүгінгі күннің бүтін сөзін айту – міндеттің үлкені.

Жақында «Қазақстан» телеарнасының «Айтуға оңай» бағдарламасына қонақ етіп шақырды. Тұған жеріне көмегі тиген азаматтар жөнінде хабар екен. Солардың ішінде менің ауылдасым, сонау Жаңаарқаның «Женіс» ауылынан келген Қайрат Көпбаев деген іні-бауыримды көріп, қуанып қалдым. Жеке қожалық иесі, жылқышы Қайрат ауылға спорт кешенін салыпты. Оның құны 110 миллион теңге екен. Тұсаукесерін жасап, ауыл әкіміне өткізіп беріпті. «Одан саған түсер не пайда бар?» – деген тележүргізуши сұрағына:

«Ауылдың балаларына керек емес пе?» – деп күлім қағады Қайрат бауырым. Міне, «Тұған жер» идеясының қолдаушысы, міне, бүгінгі күннің кейіпкери.

«Гұлстан» журналының редакторы, белгілі қәсіпкер Гөзел Құлжабаева қарындасымызben көптен араласып тұрамын. Өз ауылы «Басши», «Нұрым» деген елді мекендерден бірнеше бақ орнатқан, гүлге бөлеген. Қазақстанда оның қәсібінен үлгі алып жүргендер де көп. Арманы – қазақтың жерін гүлге көмкеру, баққа орау.

Кешегі Бұқар жырау бабамыз: «Бәріңіз бір енеден туғандай болыныз: жат жанынан түңілсін, айнала алмай ат өлсін, айыра алмай жат өлсін», – деп бекер өситет айтып кетті дейсіз бе?

«Болашаққа бағдар: рухани жаңғыру» сара да дара жолдың бастауында ел Көшбасшысының үкілі үміті, аялы арманы.

«Кемедегінің жаны бір» дейді қазақ. Ұлттың кодын сақтау деген сөз – ұлтты сақтау деген сөз. Екі дәуір мен екі ғасыр тоғысында жаңғырудың жаңа бағытын Елбасы өзі ұсынып отыр.

Менің де, сенің де Отаның – Қазақстан, бауырым! Одан басқа түгіміз де жок.

Барымыз да, бағымыз да, бақыттымыз да – Қазақстан!

Болашақтың бағдары баршамыздың арманымызды аяласын.

*Ғалым ЖАЙЛЫБАЙ,
ақын, Қазақстанның еңбек сіңірген қайраткері,
Қазақстан Жазушылар одагы Басқарма төрагасының бірінші орынбасары*